



UNIVERSITÄTS-
BIBLIOTHEK
PADERBORN

Ivlii Cæsarisi|| Scaligeri|| Epistolæ|| &|| Orationes||

Scaliger, Julius Caesar

Lugduni Batavorum, 1600

Ivlio Cæsari Scaligero Medicorum omnium facile principi Ioannes Corasius
Tolosas S. P. D. LXVIII.

[urn:nbn:de:hbz:466:1-70455](https://nbn-resolving.de/urn:nbn:de:hbz:466:1-70455)

Illustrissimo ac eruditissimo viro
IVLIO CÆSARI SCALIGERO
Medicorum omnium facile principi
IOANNES CORASIVS TOLOSAS
 S.P.D. LXVIII.

NE Q V E tu me, SCALIGER doctissime,
 neque ego te, quod sciam, vnquam vi-
 di. mihi tamen tu notior, quam ego tibi,
 propterea quod nihil dum forsitan de me
 audieris. Ego vero a MINVTO TUO, vel si
 pateris, nostro: FERRERIO medico, aliisque
 doctissimis grauissimisque viris multa de te
 cum summa tua laude accepi. Narrauerunt
 enim de toto cursu studiorum tuorum, de
 ingenio tuo, de iudicio, de eloquentia, & in
 literis assiduitate, quæ nolo referre singula,
 ne videar velle pudorem tuum prouocare,
 si de te apud te. Ea sane, quæ narrabam, eius-
 modi fuerunt, ut magnū mihi desiderium
 iniecerint tui cognoscendi: quod cum de
 facie, per occupationes publicas non liceret:
 ineptis meis literis doctas tuas aures vltro
 obtundere non erubui, quo præterea te
 etiam atque etiam rogarem, ut scrupulum
 eximeres, qui doctissimos quosque istius ci-
 uitatis viros diu male habuit, atq. etiam-
 num

num habet. Is autem in quodam Epicteti responso, delitescit, quærenti enim Adriano, *Quid est homo?* Epictetus in hæc verba satisfacit: *Balneo similis, prima cella, tepidaria, vñctuaria, infans natus perungitur. secunda cella sudatoria est. tertia cella, assa perferentaria, iuuentus. quarta cella, frigidaria, senectus, omnibus æquat sententiam.* Evidem nihil in hoc responsi legi, quod me non assecutum putem, præter vnam dictionem *Perferentaria*, in eruenda cuius significatione, Delio natatore opus esse video. ut vt enim assortum, ad Q. Fatrem meminerit Cicero, & de assis sudationibus Cornelius Celsus verba faciat: *Balneaque Galenus, Palladius & Vitruvius scitissime distinguant: Perferentarios item milites, & amicos, Varro, Plautus, Sallustius, cæterique probati autores paſſim usurpent, ex eorum tamen scriptis (ut mihi quidem videtur) eiusce dictionis sensus haud quaquam elici potest.* Tu igitur, eruditissime SCALIGER, qui splendida & illustri stirpe editus, totus natura generosus, te omnibus communicas, neminemque aspernaris, ut omnibus pro sis: cura, obsecro, ne diutius animi angamur. periculum enim est, ne in tam graui, scopuloſo, difficile que loco versantes, præfocemur tandem mer-

P gamur.

gamurque: sed ex intima doctrina tua misericordum aliquod interpretationis genus de-
proposito, quo in utramuis aurem otiose defi-
ceps quiescamus. Te iterum per tuam virtu-
tem & bonitatem obtestor, ut si quid apud
te literarum studiosi gratia valent, id totum
effundas in hoc obice dissoluendo. Quod
si feceris, in perpetuum me tibi deuincies,
qui aliquando de scripto etiam gloriabor,
id boni abs te mihi contigisse. Vale vnicum
Transalpinæ Galliæ decus. Tolosæ, ex audi-
bus nostris xvi i i. Cal. Febr. m. d. lvi.

Illustrissimo Jurisconsultorum
IOANNI CORASIO SENATORI
Tolosano. LXIX.

GVM tam clara sit tuorum erga iuris-
prudentiam magnitudo meritorum,
ut & præsentis & superioris saeculi gloriam
non solum æquaris, verum etiam superaris,
non potuit tam luculenta fama vel apud
me tametsi aliis districtum, atque attentum
operibus, etiam in hac literarum solitudine
non illustris esse. Quamobrem contra, quam
scribis, factum est, ut tu mihi notior essem,
quam ego tibi: & sane unus aut alter tum
raro, tum sero, de me tibi narravit ea, qua
vel amicitia suaserat, vel etiam necessitudo.

At